

D V P O N T D E S E,

4444

ET DE SON CHASTEAV,
par l'Armée du Roy, apres vne
grande resistance.

E N S E M B L E

La desroute de trois mil cinq cens hōmes qui
étoient dedans: Les noms des Chefs; tant
blessez que prisonniers: Et le nombre des
Drappeaux pris & apportez dans le Lou-
ure.

Aussi la reduction de la ville de Chasteau Gon-
tier: Surprise de Lengey, & autres
particularitez.

A PARIS,
Chez PIERRE ROCOLET, au Palais, en
la petite Gallerie.
M. DC. XX.

(260) 83-101-83C

EXHIBIT

STATE OF NEW YORK

IN SENATE

January 1, 1901

REPORT OF THE

COMMISSIONER OF THE LAND OFFICE

LA PRISE DV PONT DE

Sé & de son Chasteau par l'armée du Roy, apres vne grande resistance: Ensemble la destrote de trois mil cinq cens hommes qui estoient dedans: Les noms des Chefs tant blesez que prisonniers; & le nombre des Drappeaux pris & apportez dans le Louure.

¶ Usques à present graces
 ¶ à sa diuine Majesté, les
 ¶ affaires du Roy ont esté
 de bien en mieux, & n'y à eu vil-
 le ny place qui n'ait ceddé à la
 presence de S.M. par tout où la
 necessité des armes l'a fait aller;
 fors qu'au Pont de Sé, où la resi-
 stance à esté grande; mais aussi la
 valeur des gens de guerre de la
 part du Roy ont monstré leur
 courage au proffit de S.M. com-
 me il se voit au Discours qui suit.
 Qui est la veritable Histoire de

ce qui s'y est passé suiuant les lettres & aduis qui en ont esté apportées par gens dignes de foy, enuoyez par sa Majesté.

Il se sçaura donc que le Vendredy dernier, septiesme iour du present mois d'Aoust: la Majesté estant au Verger à six lieuës pres de la ville d'Angers, qui est vn lieu de plaifance à Monsieur le Duc de Montbason, demeure & sejour ancien de feu M. le Prince de Guimenay, Pere dudit sieur Duc de Montbason, eust aduis que ceux de la ville de Chasteau Gontier s'estoient remis à l'obeissance de sa Majesté, ce qu'ayant sceu sadicte Majesté se resolut dés lors de s'approcher de plus pres du Pont de Sé, & par consequent de la ville d'An-

gers: de maniere qu'elle se mit
 avec vne partye de son armée,
 entre ledit Pont de Sé & An-
 gers, où estant, & considerant
 l'importance dudit Pont de Sé,
 qui est passage de la riuere
 de Loire, pour aller d'Anjou,
 en Poictou, & que ledit pas-
 sage estoit fort aduantageux à
 Messieurs les Princes, pour auoir
 leurs allees & venuës à Angers, &
 d'Angers ailleurs, commanda à
 Monsieur de Crequy, Maistre
 de Camp du Regiment de ses
 Gardes, d'aller attaquer le Faux-
 bourg dudit Pont de Sé, avec
 deux de ses Regimens; Sçauoir,
 celuy de Picardie & de Cham-
 pagne, commandez & conduits
 par les sieurs Iamet, & Comte
 de Montrauel, où la resistance

qu'ils y trouuerent fut grande: car il ny auoit l'à dedans que des hommes bienfaicts & courageux: mais comme ils se deffendirent courageusement, aussi furent-ils attaquez fort vaillamment, & avec tant d'ardeur par le sieur de Crequy, & les troupes de sa Majesté, qu'ils furent forcez & reduits à telle extremité, que les gens du Roy s'en rendirent les maistres, & entrerent dans le Faux-bourg dudit Pont de Sé, ceux de dedans prenans l'espouuante, voyans vn si grād & violent effort, ne peurent faire autre chose en ceste extremité, quoy qu'ils fussent bien trois mille hommes tous bōs soldats, & conduits par gens bien experimentez au fait des armes, que

de mediter vne prompte retrai-
cte, toutesfois, ils ne peurent
fuir avec tant de diligence, que
les gens du Roy, n'eussent le
moyen de les suiure de pres, ce
qui les mit tellement en desor-
dre, qu'ils n'eurent le courage
presque de se deffendre, & y en
demeura beaucoup de tuez &
deffaits, & leur osta-on de viue
force neuf drappeaux ou ensei-
gnes : & furent pris prisonniers
beaucoup des plus principaux
de leurs Chefs: entre lesquels s'est
trouué Monsieur le Comte de
S. Aignan, & le Marquis de Brezé
du Thier lesquels furent cōduits &
amenez vers la M. affin d'aduiser
ce qu'il seroit à propos d'ē faire.

Ces choses ainsi faictes & pas-
sées : pour le fait dudit Faux

bourg du Pont de Sé, ſuiuant les
 cōmandemens de ſa M. on s'ap-
 procha du Chateau, ou l'on eſ-
 peroit plus grande reſiſtance à
 cauſe que la place eſt aucunemēt
 bonne pour ſe deffendre d'un
 ſiege, on l'inueſtit, on le met
 hors d'eſperāce d'eſtre ſecouru,
 on le menace & finalement M.
 de Crequy l'aſſiege : ceux qui
 eſtoient dedans ayant quelque
 apprehenſion, de n'auoir meil-
 leur traictement que ceux qui
 eſtoient dans le Faux-bourg, ne
 peurent pas faire grande reſiſtā-
 ce, attendu qu'ils conſideroient
 ſe voir forcez en peu de temps,
 ſans ſecours, ny moyen de tenir
 veu que le bras de la riuiera de
 Lonne qui le ſepare, du reſte eſtoit
 à l'ec.

De manière donc que sitost
 que ceux qui estoient dedans
 ledit Chasteau, se virēt serrez de
 près par Monsieur de Crequy,
 se resolurent de venir à quel-
 que sorte de composition, & de-
 manderent à parlementer avec
 quelques-vns de la part de sa
 Majesté, ce qui fit surleoir le cô-
 flict, & mettre en surleance les
 apprests qui s'estoiēt faicts pour
 la batterie.

Pendant cecy, la cauallerie du
 party contraire qui estoit sortie
 dudit Pont de Sé, & se mettant
 à la fuite furent suiuis & atta-
 qués par aucuns de l'armée du
 Roy, qui la mirent toute en des-
 route, & endommagerent plu-
 sieurs desdits Caualliers.

Après cecy le Roy se retira
audit lieu du Verger au petit pas
auec son armée & ce sur les dix
heures du soir dudit iour Ven-
dredy septiesme du present
mois d'Aoust.

Et le Samedi ensuyuant au
matin huitiesme du mesme
mois, on apporta à sadiete Ma-
iesté la nouuelle de la prise du-
dit Chasteau du Pont de Sé,
dans lequel Monsieur de l'Ho-
stelno, & vn autre des Li-
eutenans des Gardes de sa
Majesté, auoient esté mis
dedans auec quelques Com-
pagnies de gens de pied, at-
tendant qu'il y eust esté autre-
ment pourueu par sadiete Ma-
jesté.

D'ailleurs aussi il se sçait que Monsieur de Courtenuaut gouverneur de la ville de Tours, tres affectionné au service du Roy, auoit surpris pour sa Majesté la place de Langey, qui tenoit pour lesdits Sieurs Princes, & s'en estoit rendu le Maistre au grand contentement de sadiçte Majesté.

Ces victoires enuoyees du Ciel à nostre tres-puissant Monarque, nous donnent esperance d'une prochaine paix avec l'ayde de Dieu, veu que ledit passage du Pont de Sé, estant aujourd'huy occuppé par sa Majesté, oste vn grand moyen ausdits Princes de s'entre-vnir, & se secourir les vns les autres.

En la prise dudit pont de Sé,
& de son Chasteau, il y a eu peu
de perte de la part de sa Maiesté;
on faict estat de quelques vns
de tuez & de quelque petit
nombre de bleſsez, entre les-
quels bleſsez est compris Mon-
ſieur de Nereſtan, qui est bleſſé
à mort d'un coup de mouſque-
rade, & le ſieur des Mareſts auſſi
bleſſé à mort, en combatant
courageuſement pour le ſeruice
du Roy.

Mais du party contraire le
nombre des morts & des bleſ-
ſez a eſté plus grand que celui
de ceux du Roy, ou ceux qui
ont eſté tuez ſont de peu de
marque.

Tout le Regimēt du ſieur du
Belay à eſté deſſaict.

Apres cecy fait, sa Majesté à
 voulu faire part à la Roynne son
 espouse de ce contentement, &
 luy à enuoyé le sieur Filandre
 pour luy en porter nouvelles,
 lequel luy presenta les lettres
 de sadicte Majesté, le iour de
 S. Laurent dixiesme du present
 mois, & pour l'assurer d'auanta-
 ge des victoires que dessus luy a
 enuoye ledicts neuf drappeaux
 ou enseignes prises audict Pont
 de Sé, qui sont aujourd'huy dás
 le Louure, pour estre posées
 ainsi que l'on croit, dans la gran-
 de Eglise de nostre Dame de
 Paris, pour monumens & pre-
 mices du bon-heur des premie-
 res armes de sa Majesté, vouées
 à Dieu, distributeur des victoi-

res & des palmes, à ceux qui portent le sceau, l'image & le caractère de la diuinité.

F I N.





